



უწყვეტი კვების წყაროს (UPS) (თანმდევი მომსახურება - მონტაჟი (ინსტალაცია)) სახელმწიფო შესყიდვის
გამარტივებული ელექტრონული ტენდერის
სატენდერო დოკუმენტაცია

სარჩევი

1	ინსტრუქცია ტენდერში მონაწილეთათვის	2
2	ტექნიკური მოთხოვნები და წარმოსადგენი დოკუმენტაცია	3
3	სახელმწიფო შესყიდვის შესახებ ხელშეკრულების პროექტი	4
4	დანართი N1 (ფასების ცხრილი და რეკვიზიტები)	7

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება. ამასთან, ტექნიკურ დავალებაში მოცემული პარამეტრები არის შემსყიდველის მიერ დადგენილი მინიმალური მოთხოვნები, რომელსაც უნდა აკმაყოფილებდეს პრეტენდენტის მიერ შემოთავაზებული საქონელი.

1.7 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.9 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. მის: ქ. თბილისი, ჟ. შარტავას ქუჩა №7, მე-15 სართული. საკონტაქტო პირი: მერი სულუაშვილი, ტელ: +995322378569.

2. ტექნიკური მოთხოვნები და წარმოსადგენი დოკუმენტაცია:
 2.1 შესყიდვის ობიექტის **მინიმალური** ტექნიკური მახასიათებლებია:

№	დასახელება	ტექნიკური მახასიათებლები	რაოდენობა (ცალი)
1	უწყვეტი კვების წყარო	შემავალი დენი: • ნომინალური ძაბვა - 400ვ სამი ფაზა ნეიტრალიტ • შემავალი ძაბვის დიაპაზონი ბატარეების მონაწილეობის გარეშე მუშაობისთვის - არანაკლებ 294-520ვ • ნომინალური სიხშირე - 50/60 ჰც • შემავალი დენის სიხშირის დასაშვები დიაპაზონი - არანაკლებ 40-70ჰც • სიმძლავრის ფაქტორი - არანაკლებ 0,99 • ჰარმონიული ხარვეზები სრულ დატვირთვაზე, არაუმეტეს - რეზისტიული დატვირთვისას $THDi \leq 2\%$, რეაქტიული დატვირთვისას $THDi \leq 5\%$ ბაიპასი: • ბაიპასის ხაზის შემავალი ძაბვის დიაპაზონი - არანაკლებ 305-457ვ • შემავალი დენის სიხშირის დასაშვები დიაპაზონი ბაიპასზე მუშაობისას - 50/60ჰც +/- 4ჰც ბატარეები: • ბატარეების ტიპი - VRLA, აწყობილი მოდულებში 10*12ვ აკუმულატორი • ბატარეების ძაბვა - +/-240ვ • დატენვის მაქსიმალური დენი - 18 ამპერი გამავალი დენი: • ძაბვა - 380-400-415ვ, სამი ფაზა, არჩევადი • ნომინალური გამავალი დენი - 92 ამპერი • ბაიპასზე გადასვლისთვის დასაშვები ძაბვის დიაპაზონი - 180 ვ-დან (არჩევადი 180-200ვ) 264 ვ-მდე (არჩევადი 250-264ვ) • ნომინალური სიხშირე - 50/60 ჰც • ინვერტორების სიხშირის სიზუსტე, არასინქრონიზირებული გარე ქსელთან - 0,05 ჰც • დინამიური სტაბილურობა - VFI-SS-111 (EN62040-3 სტანდარტის შესაბამისად) სისტემის წარმადობა ონლაინ რეჟიმში • 94,07 % @100% დატვირთვაზე • 94,13 % @75% დატვირთვაზე • 93,79 % @50% დატვირთვაზე • 91,46 % @25% დატვირთვაზე • სისტემის წარმადობა ბატარეების რეჟიმში - >93.5% ინვერტორების გადატვირთვის მდგრადობა ონლაინ რეჟიმში ბაიპასზე გადართვამდე • > 105% - ≤115% - 5 წუთი • > 115% - ≤125% - 1 წუთი • > 125% - 1 წამი ინვერტორების გადატვირთვის მდგრადობა ბატარეების რეჟიმში	2

	დატვირთვის გათიშვამდე • > 105% - ≤115% - 5 წუთი • > 115% - ≤125% - 1 წუთი • > 125% - 1 წამი • ძალიან მოდულებს შორის დატვირთვის მაქსიმალური დისბალანსი - 5% ფიზიკური პარამეტრები: • UPS-ის ზომა, არაუმეტეს - სიგანე 600მმ, სიღრმე 1100მმ, სიმაღლე 2000მმ • UPS-ის წონა, არაუმეტეს - 855 კგ • დაცვის კლასი - IP20 • ძალოვანი მოდულის ხმაურის დონე, არაუმეტეს - <62dBA • სამუშაო ტემპერატურა - 0-40 გრადუსი • ჰაერის დასაშვები ტენიანობა - 20% - 90% • სითბოს გამოყოფა (გაგრილების მოთხოვნა) - არაუმეტეს 3.447 kW / 2,964 kcal/h / 11,762 B.T.U./h	
--	--	--

- 2.1.1 პრეტენდენტმა უნდა წარმოადგინოს შემოთავაზებული ბრენდის მწარმოებლის ავტორიზაციის წერილი (MAF),**
- 2.1.2** უწყვეტი ელექტრო კვების სისტემა უნდა შედგებოდეს ორი სამფაზიანი დამოუკიდებელი მოდულური უწყვეტი კვების წყაროსაგან (UPS) შიდა რეზერვირებით N+1. ყოველი UPS ზომით არ უნდა აღემატებოდეს ერთი სტანდარტული 19" სასერვერო კარადის ზომებს და უნდა შეიცავდეს საჭირო რაოდენობის აკუმულატორებს.
- 2.1.3** ყოველი UPS-ი უნდა უზრუნველყოფდეს არანაკლებ 45 კვა / 40.5 კვტ სიმძლავრეს და შეიცავდეს ერთ დამატებით სარეზერვო 15 კვა / 13.5 კვტ ძალოვან მოდულს. UPS-ის ბატარეების მოდულებმა უნდა უზრუნველყონ არანაკლებ 30 წუთის ავტონომიურობა ტიპური, 70%, დატვირთვისას. UPS-ს უნდა გააჩნდეს დამატებითი გარე აკუმულატორული კარადის მიერთების საშუალება.
- 2.1.4** UPS-ი უნდა იყოს აგებული Digital signal processing (DSP) ტექნოლოგიაზე. ძალოვანი და ბატარეების მოდულის გამოცვლა უნდა იყოს შესაძლებელი დანადგარის გათიშვის გარეშე. UPS-ის მართვა უნდა ხორციელდებოდეს დეცენტრალიზირებული მართვის სისტემით, წარმოდგენილს მართვის მოწყობილობით ყოველ ძალოვან მოდულში. UPS-ს უნდა გააჩნდეს ბატარეების დამუხტვის ორსაფეხურებრივი ინტელექტუალური სისტემა.
- 2.1.5** UPS-ს უნდა გააჩნდეს RS232 და RS485 საკომუნიკაციო პორტები, Intelligent Slot ეზერნეტ კარტის ჩასართავად TCP/IP, HTTP და SNMP პროტოკოლებით ურთიერთობისთვის, და მისი მართვა-მონიტორინგი უნდა იყოს შესაძლებელი PowerShield3 ტიპის პროგრამული უზრუნველყოფის მეშვეობით.
- 2.1.6** UPS-ი უნდა შეესაბამებოდეს საერთაშორისო სტანდარტებს: Safety: IEC 62040-1; EMC: IEC 62040-2.
- 2.1.7** UPS მწარმოებელს უნდა გააჩნდეს საკუთარი ავტორიზირებული სერვის-ცენტრი საქართველოში.
- 2.1.8** UPS-ი უნდა იყოს დაყენებული 400მმ±5მმ სიმაღლის რკინის კონსტრუქციაზე (პედესტალი).
- 2.1.9** უწყვეტი კვების წყაროს დამატებით უნდა გააჩნდეს შესყიდვის ობიექტთან თავსებადი GPRS ტერმინალი, რომელიც უზრუნველყოფს შემსყიდველის მიერ მითითებულ სატელეფონო ნომერზე SMS-ის გაგზავნას იმ შემთხვევაში თუ: სისტემა გადავა ბატარეებზე, გადავა ბაიფასზე, მოიმატებს ტემპერატურა, გამოირთვება ან სხვა.
- 2.1.10** მიმწოდებელმა უნდა უზრუნველყოს საგარანტიო პერიოდში სისტემური მონიტორინგი 2 თვეში არანაკლებ ერთხელ შემსყიდველთან შეთანხმებული გრაფიკის შესაბამისად. ტესტირების შედეგად აღმოჩენილი ხარვეზების აღმოფხვრა უნდა განხორციელდეს უმოკლეს ვადებში დამატებითი ხარჯების გარეშე.

2.2. შესყიდვის ობიექტის ხარისხი და გარანტია

- 2.2.1** შესყიდვის ობიექტის ქარხნული საგარანტიო ვადა უნდა შეადგენდეს მიღება-ჩაბარების აქტის გაფორმებიდან არანაკლებ 1 (ერთი) წელს.
- 2.2.2** წუნდებული ან/და საგარანტიო პერიოდში დაზიანებული საქონელი უნდა შეკეთდეს დაუყოვნებლივ ხოლო საჭიროების შემთხვევაში შეცვლა უნდა განხორციელდეს შემსყიდველის მოთხოვნიდან არაუმეტეს 20 (ოცი) კალენდარული დღის განმავლობაში.

2.3 შესყიდვის ობიექტის მიწოდების ვადა და ადგილი:

- 2.3.1** შესყიდვის ობიექტის მიწოდება უნდა განხორციელდეს ხელშეკრულების გაფორმებიდან არაუგვიანეს 60 (სამოცი) კალენდარული დღის განმავლობაში, ხოლო მონტაჟი უნდა განხორციელდეს შემსყიდველის მოთხოვნიდან არაუგვიანეს 10 (ათი) კალენდარული დღის განმავლობაში.
- 2.3.2** მიმწოდებელი ვალდებულია უზრუნველყოს ძველი უწყვეტი კვების წყაროს (UPS) დემონტაჟი, შემსყიდველის მოთხოვნიდან არაუგვიანეს 10 (ათი) კალენდარული დღის განმავლობაში და შემსყიდველის მიერ მითითებულ ადგილზე გადატანა ქალაქ თბილისის მუნიციპალიტეტის მასშტაბით.

2.3.3 შესყიდვის ობიექტის მიწოდების (თანმდევი მომსახურება - მონტაჟი) ადგილი: ქალაქი თბილისი, ჟ. შარტავას ქ. №7.

2.4 გამოცდილება:

2.4.1 პრეტენდენტს უნდა გააჩნდეს არანაკლებ 2 (ორი) ანალოგიური საქონლის მიწოდების (თანმდევი მომსახურებით მონტაჟი) გამოცდილება, რისი დამადასტურებელი დოკუმენტიც უნდა ატვირთოს ერთიან ელექტრონულ სისტემაში. (აუცილებელი არ არის პრეტენდენტს ჰქონდეს ანალოგიური სიმძლავრის ups-ის მონტაჟის გამოცდილება, უფრო მეტი სიმძლავრის სხვა ups-ის მონტაჟი ან არანაკლებ 16 კვა სიმძლავრის ups-ის მონტაჟის გამოცდილება ჩაითვლება გამოცდილებაში). გამოცდილების დამადასტურებლად პრეტენდენტმა უნდა წარმოადგინოს ინფორმაცია სატენდერო დოკუმენტაციის დანართი #2-ის შესაბამისად, რომელსაც თან უნდა დაურთოს შესაბამისი ხელშეკრულებ(ებ)ი და ამ ხელშეკრულების საფუძველზე გაფორმებული მიღება-ჩაბარების აქტ(ებ)ი ან შესრულების დამადასტურებელი სხვა დოკუმენტაცია და ამასთან ატვირთულ უნდა იქნას აღნიშნული ხელშეკრულებების შესრულების თანხის გადარიცხვის დამადასტურებელი დოკუმენტები ან ანგარიშფაქტურები.

2.5 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.5.1 ფასების ცხრილი დანართი №1-ის მიხედვით, რეკვიზიტების, წარმოშობის ქვეყნის, მწარმოებელი კომპანის და მარკა/მოდელის მითითებით *(აღნიშნულის წარმოდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას).*

2.5.2 ინფორმაცია პრეტენდენტის გამოცდილების შესახებ დანართი #2-ს შესაბამისად.

2.5.3 შესყიდვის ობიექტის მწარმოებლის ავტორიზაციის შესახებ ინფორმაცია (ე.წ. MAF-Manufacturer Authorization Form).

2.5.4 ინფორმაცია 2.1.7 პუნქტით მოთხოვნილი მწარმოებლის ავტორიზირებული სერვის-ცენტრის მისამართის შესახებ.

2.5.5. მწარმოებლის მიერ გაცემული ცნობა (ინფორმაცია შესყიდვის ობიექტის დეტალური აღწერილობის შესახებ), რომელიც ადასტურებს შემოთავაზებული საქონლის სატენდერო დოკუმენტაციის მოთხოვნებთან შესაბამისობას.

2.6 ფასწარმოქმნის ადეკვატურობის დადასტურება.

2.6.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის ან/და აუდიტის დასკვნით (დასკვნასთან ერთად წარმოდგენილ უნდა იქნას დასკვნის გამგები პირის უფლებამოსილების დამადასტურებელი დოკუმენტის ასლი). შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან ანგარიშფაქტურით (ინვოისით), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-12 მუხლის მე-11 – მე-14 პუნქტებით განსაზღვრული წესები.

ხელშეკრულება
სახელმწიფო შესყიდვის შესახებ №10.02/20/

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

ქ. თბილისი

2016 წელი

1. ხელშეკრულების დამდები მხარეები

ერთის მხრივ ქ. თბილისის მუნიციპალიტეტის მერია, წარმოდგენილი ----- სახით (შემდგომში “შემსყიდველი”) და მეორეს მხრივ „-----“ (შემდგომში „მიმწოდებელი“) სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება და ხელშეკრულების მოქმედების ვადა**

- 2.1 ხელშეკრულების (შესყიდვის) ობიექტია-----.
- 2.2 შესყიდვის საშუალება - გამარტივებული ელექტრონული ტენდერი.
- 2.3 ხელშეკრულების საერთო ღირებულება შეადგენს ----- ლარს, ყველა გადასახადის ჩათვლით.
- 2.4 კლასიფიკატორის კოდი:
- 2.5 ხელშეკრულება ძალაშია მხარეთა მიერ ხელმოწერიდან ----- -მდე/ჩათვლით.

3. შესყიდვის ობიექტის მიწოდების პირობები

- 3.1 შესყიდვის ობიექტის მიწოდების ვადა:-----.
- 3.2 შესყიდვის ობიექტის მიწოდების ადგილი:-----.
- 3.3 მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

4. შესყიდვის ობიექტის ხარისხი და გარანტია

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

5. ხელშეკრულების შესრულების კონტროლი (ინსპექტირება)

- 5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.
- 5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.
- 5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.
- 5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან ეტაპობრივად განახორციელებენ ქალაქ თბილისის მუნიციპალიტეტის მერიის ადმინისტრაციის თანამშრომლები.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.4 პუნქტში მითითებული პირები).
- 6.2 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2016 წლის ბიუჯეტის სახსრებით, UPS-ის ექსპლუატაციაში გაშვების მომენტიდან (ინსტალაციიდან) 10 კალენდარული დღის განმავლობაში.

7.3 ხელშეკრულების პირობების დარღვევის შემთხვევაში მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში, მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,5%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 1%-ის ოდენობით.

8.4 ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს პირგასამტეხლო, მიმწოდებლისათვის ჩასარიცხი თანხის 0,5%-ის ოდენობით, ყოველ ვადაგადაცილებულ დღეზე.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) შემსყიდველის მიერ მიცემული დავალებით განსაზღვრული ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულების ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულება ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ღირებულება

13.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

13.2 მხარეთა შეთანხმებით დასაშვებია ხელშეკრულების ღირებულების შეცვლა.

13.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით, სადაც გაგზავნილი შეტყობინება/დაკვეთა ჩაითვლება ოფიციალურ დაკვეთად. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 14.2 პუნქტში მითითებული მობილური და ქალაქის ტელეფონის ნომრები.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: ტელეფონის ნომერი ----- (ორი მობილური ტელეფონის და ერთი ქალაქის ტელეფონის ნომერი); საკონტ. პირი ბ/ქ-ნ -----, ელექტრონული ფოსტა: -----; ფაქსი (არსებობის შემთხვევაში): -----.

ბ) შემსყიდველის შემდეგი რეკვიზიტები: ტელეფონის ნომერი -----; საკონტ. პირი პირი ბ/ქ-ნ -----, ელექტრონული ფოსტა: -----.

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლები (პუნქტ(ებ)ი ან/და ქვეპუნქტ(ებ)ი).

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე იმ შემთხვევაში, თუ აღნიშნული შეცდომა ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსთან განმარტებაში დაკავშირებით არ ექნება (არ მიენიჭება) რაიმე მნიშვნელობა.

17. მხარეთა იურიდიული რეკვიზიტები

შემსყიდველი:

მიმწოდებელი:

ფასების ცხრილი

პრეტენდენტის დასახელება -----

№	დასახელება (1-6 პოზიციით გათვალისწინებული საქონლის წარმოშობის ქვეყანა, მწარმოებელი კომპანია და მარკა/მოდელი)	ტექნიკური მახასიათებლები (სატენდერო დოკუმენტაციის 2.1 პუნქტის შესაბამისად)	რაოდენობა (ცალი)	ერთეულის ღირებულება (ლარი)	საერთო ღირებულება (ლარი)
1	უწყვეტი კვების წყარო	ძალოვანი და ბატარეების მოდულების ჩასაყენებელი კარადა შიდა ბაიპასით და ამომრთველებით	2		
2	15 კილოვოლტამპერიანი ძალოვანი მოდული		8		
3	ბატარეების მოდული აკუმულატორებით (თითოეულში 10 აკუმულატორით)		40		
4	ქსელის დასაკავშირებელი SNMP კარტა		2		
5	GPRS და SMS მოდემი		2		
6	სამართავი პროგრამის ლიცენზია		2		
7	ძველი უწყვეტი კვების წყაროს (UPS) დემონტაჟი და გადატანა შემსყიდველის მიერ მითითებულ ადგილზე (ქ. თბილისის ფარგლებში)		2		
8	ახალი უწყვეტი კვების წყაროს (UPS) მონტაჟი		2		
9	პედესტალი	400მმ±5მმ სიმაღლის რკინის კონსტრუქციაზე	1		

შენიშვნა: სატენდერო წინადადების ფასში პრეტენდენტმა საქონლის მიწოდებასთან ერთად უნდა გაითვალისწინოს შესყიდვის ობიექტის მიწოდებასთან დაკავშირებული ყველა ხარჯი (ტრანსპორტირება და სხვა) და გადასახადი.

შესყიდვის ობიექტის ქარხნული გარანტია: ----- (მიღება-ჩაბარების აქტის გაფორმებიდან არანაკლებ 1 წელი).

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის თანამდებობა, სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

ბანკის დასახელება და კოდი:

ანგარიშსწორების ანგარიში:

მობილური ტელეფონის ნომერი:

ქალაქის ტელეფონი:

ელექტრონული ფოსტის მისამართი საკონტაქტო პირების მითითებით:

ინფორმაცია პრეტენდენტის მიერ ანალოგიური მომსახურების გაწევის
გამოცდილების შესახებ

პრეტენდენტის დასახელება _____

№	შემსყიდველის დასახელება	ხელშეკრულების ობიექტი	ხელშეკრულების თარიღი	ხელშეკრულების დირეზულება (ლარი)	ფაქტიური შესრულება
1					
2					

პრეტენდენტს უნდა გააჩნდეს არანაკლებ 2 (ორი) ანალოგიური საქონლის მიწოდების (თანმდევითი მომსახურებით მონტაჟი) გამოცდილება, რისი დამადასტურებელი დოკუმენტიც უნდა ატვირთოს ერთიან ელექტრონულ სისტემაში. (აუცილებელი არ არის პრეტენდენტს ჰქონდეს ანალოგიური სიმძლავრის ups-ის მონტაჟის გამოცდილება, უფრო მეტი სიმძლავრის სხვა ups-ის მონტაჟი ან არანაკლებ 16 კვა სიმძლავრის ups-ის მონტაჟის გამოცდილება ჩაითვლება გამოცდილებაში). გამოცდილების დამადასტურებლად პრეტენდენტმა უნდა წარმოადგინოს ინფორმაცია სატენდერო დოკუმენტაციის დანართი #2-ის შესაბამისად, რომელსაც თან უნდა დაურთოს შესაბამისი ხელშეკრულებ(ებ)ი და ამ ხელშეკრულების საფუძველზე გაფორმებული მიღება-ჩაბარების აქტ(ებ)ი ან შესრულების დამადასტურებელი სხვა დოკუმენტაცია და ამასთან ატვირთულ უნდა იქნას აღნიშნული ხელშეკრულებების შესრულების თანხის გადარიცხვის დამადასტურებელი დოკუმენტები ან ანგარიშგაქვტურები.

პრეტენდენტის ხელმოწერა _____ ბ.ა